

Տ. ՏԻՐԱՅՐ ՔԱՀԱՆԱ ՀԱՏԱՎՅԱՆ*/ Արամ սարկավազ /*

Ծնվել է 1976 թ. Պլովդիվ քաղաքում:

1984-94 թթ. միջնակարգ ուսումը ստացել է Սոֆիա քաղաքում:

Փոքր տարիքից ծառայել է եկեղեցում և միառժամանակ հակում ունեցել արհեստների հանդեպ, մասնավորաբար՝ ոսկերչության:

1986 թ. ծառայել է Սոֆիայի Ս. Աստվածածին եկեղեցում:

1994 թ. ձեռնադրվել է սարկավազ՝ ձեռամբ Տ. Տիրայր արքեպս.

Մարտիկյանի:

1999 թ. մայիս 30-ին Բարձրաշնորհ Տ. Տիրայր արքեպս. Մարտիկյանի ձեռամբ ձեռնադրվել և օծվել է քահանա:

Նորընծա քահանան իր ծառայությունը շարունակելու է Ռուսե քաղաքում:

Տ. ՄԱՐԳԻՍ ՔԱՀԱՆԱ ՀՈՎՀԱՆՆԻՍՅԱՆ*/ Արթուր սարկավազ /*

Ծնվել է 1978 թ. Էջմիածին քաղաքում:

1985-93 թթ. սովորել է տեղի թիվ 2 միջնակարգ դպրոցում:

Փոքր տարիքից հաճախել է Էջմիածնի Ս. Աստվածածին եկեղեցի:

1993-96 թթ. սովորել է Գյումրիի հոգևոր ընծայարանում:

1996 թ. սեպտեմբեր ամսից ծառայության է անցել Աշտարակ քաղաքի Ս. Մարինե եկեղեցում:

1997 թ. օգոստոսի 3-ին, ձեռամբ Արագածոտնի թեմի առաջնորդ Գերաշնորհ Տ. Նավասարդ եպս. Կճոյանի, ձեռնադրվել է սարկավազ:

1997 թ. դեկտեմբեր ամսից ծառայության է անցել Բուլղարիայի Վառնա քաղաքի Ս. Մարգիս եկեղեցում, որպես սարկավազ:

1999 թ. մայիսի 30-ին Բարձրաշնորհ Տ. Տիրայր արքեպս. Մարտիկյանի ձեռամբ ձեռնադրվել և օծվել է քահանա:

Նորընծա քահանան իր ծառայությունը շարունակելու է մույն եկեղեցում:

ՀԱՎԱՔԱԿԱՆ ՄԿՐՏՈՒԹՅՈՒՆ ԵՎ ԴՊՐՈՒԹՅԱՆ**ՀՈՐՄ ԱՄՏԻՃԱՆՆԵՐԻ ՏՎՉՈՒԹՅՈՒՆ ՎԱՌՆԱՅԻ****Ա. ՄԱՐԳԻՍ ԵԿԵՂԵՅՈՒՄ**

Հունիսի 6-ին, կաթողիկե Ա. Էջմիածնի տոնի օրը, Վառնայի Ս. Մարգիս եկեղեցին կրկին լեցուն էր բազմաթիվ հավատացյալներով, որտեղ մատուցվեց Ա. Պատարագ, որին ներկա էր առաջնորդ Արքազան Հայրը:

Արքազան Հայրն իր քարոզի մեջ վեր հանեց Ա. Էջմիածնի և ընդհանրապես Մեր եկեղեցու դերը և նշանակությունը հայ հավատացյալների կյանքում: Հավարտ Ա. Պատարագի Արքազան Հայրը, ընդառաջելով հոգևոր հովվի և եկեղեցական վարչության խնդրանքին, դպրության չորս աստիճաններ շնորհեց Սուրեն Ներսիսյանին: